



Մ Ա Յ Ր Ա Թ Ո Ւ Ո Ւ Մ

Մարտի 5-ին, շաբաթ, երեկոյան ժամը 7-ին, Հոգեկոր Ճեմարանում տեղի ունեցավ գրական վիճաբանական երեկու ներկա էր Վեհափառ Հայրապետը, շրջապատված Մայր Աթոռի միաբանությամբ և դասախոսական կազմով:

Նախ գործադրության դրվեց գեղարվեստական մի հայտագիր: Ճեմարանի երգչախումբը կատարեց Մ. Եկմալյանի «Ուլ Հայոց աշխարհ», Կոմիտաս վարդապետի «Ուլ դու բարեկամ» և «Առավոտուն բարի լուս» խմբերգերը: Ա դասարանի ուսանող Վահագն Համբարձումյանը արտասանեց Մ. Պեշկաբաշյանի «Գարուն» բանաստեղծությունը: Ա լսարանի ուսանող Սասուն Վարդանյանը ընթերցեց իր շարադրությունը՝ «Ասք Ավարայրի մասին»:

Հանդիսության երկրորդ բաժինը ուներ վիճաբանական բնույթ:

Վեհափառ Հայրապետի թելադրությամբ, Գ լսարանի չորս ուսանող սարկավազները պատրաստել էին «Վարդա» թե Վասակ, Ավարայր թե դիվանագիտություն» վիճաբանական նյութը: Բարեշնորհ Գրիգոր և Դավիթ սարկավազները գրավոր ճառերով պաշտպանեցին Վարդանի դիրքը, Եղիշե և Հովհաննես սարկավազները՝ Վասակի քաղաքականությունը:

Այնուհետև տեղի ունեցավ մտքերի աշխույժ փոխանակություն, որին մասնակցեցին ուսանողներ Ա լսարանից Կ. Գալստյանը, Արզար Մարտիրոսյանը, Վրեժ Ներսիսյանը, Գ դասարանից Հակոբ Նալբանդյանը, Արմեն Ասրյանը, Ա. Գալստյանը և ուրիշներ:

Վիճաբանությանը մասնակցեցին նաև Մայր Աթոռի միաբաններ հոգեշնորհ Տ. Գրիգոր վարդապետ Եղիայանը, Տ. Ներսես ծայրագույն վարդապետ Պողոսյանը, Տ. Նարեկ վարդապետ Շաքարյանը, Տ. Գևորգ վարդապետ Սերայդարյանը, Հոգեկոր Ճեմարանի դասախոսներ Գ. Գյուլյանը, Ս. Անթոնյանը և ուրիշներ:

Վիճաբանությունը վարեց և արդյունքներն ամփոփեց դասախոս Ա. Հատիսյանը, եղբակացնելով, որ արդար, ճիշտ և անփոփոխելի է պատմության վճիռը Վարդանի և Վասակի մասին: Վարդանը տեսիլքի, խոյանքի, հայրենասիրության կերպարն է, Վասակը՝ հաշիվների և փառասիրության մարդը:



Մարտի 6-ին, կիրակի (Անուսկին), Մայր Տաճարում պատարագեց արժանապատիվ Տ. Նշան քահանա Բեյլեյանը: Հավուր պատշաճի քարոզեց հոգեշնորհ Տ. Գրիգոր վարդապետ Եղիայանը «Զի եղբայր բո այս մեռնալ էր և եկաց, կորուսեալ էր» և գտաւ» րնարանով:



Մարտի 10-ին, հինգշաբթի, երեկոյան ժամը 6-ին, Մայր Աթոռ ժամանեց գերաշնորհ Տ. Կոմիտաս եպիսկոպոս Տեր-Ստեփանյանը: Որը շուրջ երկու ամիս գտնվում էր Հնդկաստանում և Ավստրալիայում հովվական այցելությամբ: Սրբազան հորը Երևանի օդանավակայանում դիմավորեցին հոգեշնորհ Տ. Արսեն վարդապետ Բերբերյանը և բարեշնորհ Դավիթ սարկավազ Դիլանյանը:



Մարտի 11-ին, ուրբաթ, երեկոյան ժամը 6-ին, Վեհափառ Հայրապետի նախագահությամբ, Վեհախնում, գումարվեց Գերագույն Հոգեկոր Խորհրդի նիստը: Օրակարգի հարցերից հետո, գերաշնորհ Տ. Կոմիտաս եպիսկոպոս Տեր-Ստեփանյանը ղեկուցեց իր Հնդկաստան և Ավստրալիա կատարած հովվական այցելության մասին:



Մարտի 12-ին, շաբաթ, երեկոյան ժամը 8-ին, Հոգեկոր Ճեմարանի հանդիսասրահում

հում, Տ. Կոմիտաս եպիսկոպոս Տեր-Ստեփանյանը բանախոսեց իր Հնդկաստան և Ավստրալիա կատարած ուղևորության տպավորությունների մասին: Բանախոսության ներկա էին Մայր Աթոռի միաբանները: Վերջում Ճեմարանի վերատեսուչ Հոգեշնորհ Տ. Ներսես ծայրագույն վարդապետը շնորհակալություն հայտնեց Տ. Կոմիտաս եպիսկոպոսին շահեկան դասախոսության համար:



Մարտի 13-ին, կիրակի (Տեոսեի), Մայր Տաճարում պատարագեց արժանապատիվ Տ. Հովհաննես քահանա Մարուքյանը, քարոզեց հոգեշնորհ Տ. Մուշեղ վարդապետ Պետիկյանը՝ «Եւ զովեաց Տէրն զտնտեսն անիրաւութեան» քնարանով:

Սուրբ պատարագին ներկա էր Վեհափառ Հայրապետը:



Մարտի 15-ին, երեքշաբթի, Մայր Տաճարում պատարագեց սիրիահայ ուխտավորների առաջին խումբը: Տաճարում իրենց աղոթքն և ուխտը կատարելուց հետո, ուխտավորներն ընդունվեցին Վեհափառ Հայրապետի կողմից:



Մարտի 20-ին, կիրակի (Գառաւորի), Մայր Տաճարում պատարագեց հոգեշնորհ Տ. Մուշեղ վարդապետ Պետիկյանը, Քարոզեց հոգեշնորհ Տ. Գևորգ վարդապետ Սեբաղարյանը՝ «Որ բարձրացուցանէ զանձն իւր՝ խոնարհեցի, և որ խոնարհեցուցանէ զանձն իւր՝ բարձրացի» քնարանով:



Մարտի 21-ին, երկուշաբթի, Վեհափառ Հայրապետի նախագահությամբ, գումարվեց Գերագույն Հոգևոր հորհրդի նիստը, ուր

քննության առնվեց և հաստատվեց մարտի 23—24-ին Մայր Աթոռում գումարվելիք ներքին թեմերի խորհրդակցական ժողովի օրակարգն ու հանդիսությանը ծրագիրը:



Մարտի 22-ին, երեքշաբթի, հետմիջօրեի ժամը 3-ին, Վեհափառ Հայրապետն այցելեց Երևանում Գ. Սունդուկյանի անվան նորակերտ թատրոնի շենքը, ուր ընդունվեց տնօրեն, ժողովրդական արտիստ Գուրգեն Զանիբեկյանի կողմից: Այնուհետև, հարգելի տնօրենի առաջնորդությամբ, Վեհափառ Հայրապետը ծանոթացավ շենքի ճարտարապետության, կառուցվածքին, հարկաբաժիններին և նկարագրողումներին:



Մարտի 26-ին, չաբաթ, «Տօն է Սրբոյն Գրիգորի Լուսաւորչին մերոյ սոսկալի շարժարանացն և մտին ի վիրապն»։ Մայր Տաճարում պատարագեց և քարոզեց հոգեշնորհ Տ. Գրիգոր վարդապետ Եղիայանը՝ «Որ ի վիրապն անդնդային, ջաղխեր նովաւ զգլուխ վիշապին, ի գրի ներքնումն իջմամբ նորին, բարձրացուցեր զմեզ ի յերկինս» շարականի րնարանով:



Մարտի 27-ին, կիրակի (Գալստեան), Մայր Տաճարում պատարագեց հոգեշնորհ Տ. Գրիգոր վարդապետ Եղիայանը, Քարոզեց հոգեշնորհ Տ. Նարեկ վարդապետ Շաբարյանը՝ «Ով գերազանցեալդ ի հարս սուրբ հայրապետն Լուսաւորիչ Տանս Թորգոմայ Սուրբ Գրիգորիոս, որ քոյով անտանելի շարչարանօքդ զաշխարհս ամենայն հիացուցիր» շարականի րնարանով:

